

**Inuup sananeqaataasa ilisarnaataannut Qitiusumik  
Nalunaarsuiffik pillugu inatsisip Kalaallit Nunaanni  
atuutilersinneqarnissaa pillugu peqqussut**

UAGUT MARGRETHE APPAAT, Guutip saammaaneragut Danmarkip Dronningia, nalunaarpugut:

Inuup sananeqaataasa ilisarnaataannut qitiusumik nalunaarsuiffiup pilersinneqarnissaa pillugu inatsimmi nr. 434, 31. maj 2000-imeersumi § 9<sup>1</sup>, inuup sananeqaataata ilisarnaataannut qitiusumik nalunaarsuiffiup pilersinneqarnissaa pillugu inatsisip aamma eqqartuussisarneq pillugu inatsisip (inuup sananeqaataasa ilisarnaataannut qitiusumik nalunaarsuiffiup inunnut tunngasortaata annertusitinneqarnissaanik, inuup timaanik misissuisarnermi il.il. paasinarsisitsissutaartunut piumasaqaat) allanngortinneqarnissaanik inatsimmi nr. 369, 24. maj 2005-imeersumi § 4<sup>2</sup>, inuup sananeqaataasa ilisarnaataannut qitiusumik nalunaarsuiffik (EU-mi nunanut allanut paasissutissanik ingerlatitseqqittarneq il.il.) pillugu inatsimmi nr. 1559, 20. december 2006-imeersumi § 3<sup>3</sup>, Den Europæiske Unionimi pillaasarneq pillugu inatsisitigut aalajangiisarnerit ilaasa tamakkisumik naammassineqartarnissaat pillugu inatsisip allannguuteqartinneqarnissaa pillugu inatsimmi nr. 347, 14. maj 2008-meersumi § 5. imm. 2, inatsisimik unioqqutitsisimasut tunniunneqartarnissaat pillugu inatsit aamma Inuup sananeqaataasa ilisarnaataannut qitiusumik nalunaarsuiffik (europamiut uppernarsaatnik qulakkeerinninnissaq pillugu eqqartuussutigisartagaat pillugu sinaakkusiussat aalajangikkat naammassineqartarnissaat aamma kiffaanngissusiagaanissamik il.il. pineqaatissinneqartarneq pillugu pillaasarnermik suliaasartuni pineqaatissiussut akuerseqatigiissutigisarnissaat pillugu tunngavii atorneqartarnissaanik sinaakkusiussamik aalajangikkat naammassineqartarnissaat) pillugu inatsit, Inuup sananeqaataasa ilisarnaataannut qitiusumik nalunaarsuiffik pillugu inatsisip allanngortinneqarnissaanik inatsimmi nr. 479, 17. juni 2008-meersumi § 7, imm. 2, eqqartuussisarneq pillugu inatsit, qamutit assakaasullit nalunaarsorneqartarnerat pillugu inatsit aamma nalunaarasuartaaseriveqarnikkut niuerfinni unammilleqatigittarneq atuisoqarnikkullu pissutsit (Inuup sananeqaataasa ilisarnaataat pillugit paasissutissanik, inussat ipaasa assilineqartarnerat aamma qamutit assakaasullit il.il.) pillugit paarlaateqatigiittarneq pillugu Prümmimi aalajangikkap naammassineqarnissa) pillugu inatsit aamma Inuup sananeqaataasa ilisarnaataannut qitiusumik nalunaarsuiffik pillugu inatsisip (pasisat, eqqartuussaanngitsulli timaasa sananeqaataasa ilisarnaataat pillugit paasissutissat piiarneqartarnissaannut killiliussap) allanngortinneqarnissaanik inatsimmi nr. 405, 21. april 2010-imeersumi § 3<sup>6</sup> naapertorlugit aalajangiunneqarpoq inatsit Kalaallit Nunaanni atutissasoq imatut oqaasertaqartillugu:

§ 1. Inatsimmi uani malittarisassat malillugit inuit kinaassusersisarneranni politiit iluminni nalunaarsuiffittut atugaanni Inuup Sananeqaataasa Ilisarnaataasa Qitiusumik Nalunaarsuiffik Naalagaaffimmil Politit Qullersaata toqqortarissavaa allattuiffigisarlugulu.

*Imm. 2. Nalunaarsuiffik agguarneqassaaq inunnut tunngasortalerlugu aamma malunniutinut tunngasortalerlugu, tak. § 2.*

*Stk. 3. Nalunaarsuiffik assammik allattuiffigisartakkamik nalunaarsuiffittaqarpoq aamma qarasaasiakkut nalunaarsuiffittaqarluni.*

**§ 2.** Nalunaarsuiffimmut taamaallaat ilanngunneqarsinnaapput paasissutissat inuit kinaassusersisarnerani politiinut soqtiginaatillit.

*Imm. 2. Nalunaarsuiffiup taamaallaat imarisinnaavai paasissutissat:*

1) Nalunaarsuiffiup inunnut tunngasortaani taamaallaat ilanngunneqarsinnaapput inuit sakkortuumik inatsisinik unioqqutitsisimasutut pasiat imaluunniit pasineqarsimasut, pineqartup inuttut sananeqaataata ilisarnaataa Kalaallit Nunaanni eqqartuussisarneq pillugu inatsimmi §§ 401-408-mi malittarisassat malillugit uumassusilerinermut tunngasut tunngavigalugit suliami pineqartumi misissorneqarsimappat.

2) Nalunaarsuiffiup malunniutinut tunngasortaani taamaallaat ilanngunneqarsinnaapput uumassusilerinermut tunngasut inuup sananeqaataata ilisarnaatai pinerluffusuni imaluunniit pinerlunnermut atatillugu pigisani, inunni sumiiffinniluunniit nassaarineqarsimasut.

*Imm. 3. Paasissutissat imm. 2-mi pineqartut saniatigut nalunaarsuiffimmi taamaallaat nalunaarsugaatigineqarsinnaapput paasissutissat nalunaarsuiffimmi atorneqartussatut allatorneqartussatullu pingaarutillit.*

**§ 3. Nalunaarsuiffiup inunnut tunngasortaani paasissutissat ingerlaannartumik peerneqartassapput**

- 1) pasilliisut tunngavissaqartinneqarunnaarpat,
- 2) pinngitsuutitaanermiit, assuarlerfiutip taamaatsitsiinnarnissanik imaluunniit unnerluussutip piumasaqaateqanngitsumik atorunnaarsinneraniit ukiut qulit qaangiunneranni,
- 3) nalunaarsugaq 80-inik ukioqalersimappat,
- 4) paasissutissat timimik pilattaaneq eqqartuussiviup akueriumanngisaa tunngavigalugu pissarsiarineqarsimappata,
- 5) paasissutissat timimik pilattaaneq eqqartuussivimmit politiinilluunniit pineqartunit inatsisinik tunngavissaqanngitsutut isigneqarnerat tunngavigalugu pissarsiarineqarsimappata, imaluunniit
- 6) patsisaasut immikkut ittut allat qaqtigoortumik patsisaasussaatitaalerpata.

*Imm. 2. Nalunaarsugaq pillugu paasissutissat piiarneqassapput pineqartup toquneraniit kingusinnerpaamik ukiut marluk qaangiunneranni.*

*Imm. 3. Pisuni imm. 1, nr. 3-mi taaneqartuni nalunaarsuiffiup inunnut tunngasortaani paasissutissat piiarneqanngitsoorsinnaapput pineqartoq pillugu nalileereerneremi nalunaarsukkap attatiinnarnissaa qaqtigoortumik pisariaqartinneqartutut isigneqarpat.*

**§ 4. Nalunaarsuiffiup malunniutinut tunngasortaani paasissutissat  
piiarneqassapput**

- 1) malunniut nassaarineqartoq kinaassusersissutaappat,
- 2) paasissutissat politiinut pingaaruteqarunnaarpata, imaluunniit
- 3) patsisaasut immikkut ittut allat qaqutigoortumik  
patsisaasussaatitaalerpata.

*Imm. 2. Pisuni imm. 1, nr. 1-im i taaneqartuni piiaanngitsoortoqarsinnaavoq, kinaassusersineqartoq pinerlunnermut pineqartumut pasineeruppat pasineqarsimajunnaarsimappalluunniit aamma nalunaarsukkap nalunaarsugaatigiinnarnissaanut akuersinini pineqartup nalunaarutigippagu.*

**§ 5. Nalunaarsuiffimmi paasissutissat kinaassusersinissamut atugassat  
ingerlatseqqinnejarnissaapput**

- 1) politiinut, unnerluussisussaatitaasunut aamma Inatsisinik atortitsinermut ministereqarfimmuit, aamma Den Europæiske Unionimi pillaanissamik aalajangiinerit ilaasa naammassineqarnissaannut inatsit malillugu uppernarsaatit qulakkeerneqarnissaat pillugu aalajangiinerup naammassineqarnissaanut atugassanut,
- 2) naalagaaffimmi Den Europæiske Unionimut ilaasortaasumi inatsisit eqqortinneqarnissaannut oqartussaasutut piginnaatitaasumut imaluunniit nunamut isumaqatigiisummut ilaanngitsumut nunalli tamat Schlengenimi isumaqatigiissutaat malillugu suleqatigiinnermut ilaasumut pinerluutigisimasat misissornissaannut imaluunniit pinerlussimanerit pillugit isertortumik paasinianissamut atugassanut
- 3) nunat allat eqqartuussiviinut kiisalu politiitut unnerluusisussaatitaasutullu oqartussanut pisortat pillasarnermut suliaannut atugassanut, pisoq pisinnaanngikkaluuatut isigineqarpat,
- 4) Københavns Universitetimut, Retsgenetisk Afdelingimut, pillaanissamut suliap suliarinissaani tamanna pisariaqartinneqarpat aamma
- 5) Folketingip Ombudsmandianut.

*Imm. 2. Naalagaaffimmi Den Europæiske Unionimut ilaasortaasumi inatsisit eqqortinneqarnissaannut oqartussaasutut piginnaatitaasut pillaanissamik suliap pineqartup paasiniaaffiginissaanut atugassatut elektronik atorlugu ujarlernerme inuup sananeqaataata ilisarnaataa paasinianerme ilaasoq nalunaarsuiffimmi nalunaarsugaatinut sanilliussinnaavaat.*

*Imm. 3. Tamatuma saniatigut nalunaarsuiffimmi paasissutissaatinik ingerlatitseqqittoqarsinnaanngilaq, takujulli § 6.*

**§ 6.** Politiinut ornigulluni saaffiginninnermi nalunaarsugaasimasoq paasissutissat nalunaarsorneqaatini pillugit oqaatsit atorlugit paasitinneqarsinnaavoq.

**7.** Inatsisinik atortitsinermut ministeri nalunaarsuiffiup atorneqarnissaa allattuiffiginissaalu pillugit malittarisassanik erseqqinnerusunik aalajangersaasinnaavoq. Aammattaaq inatsisinik atortitsinermut ministeri uumassusilerinermut tunngasut inuup sananeqaataata ilisarnaatai paasissutissaatinut tunngaviliisuusimasut nalunaarsuiffimmil ilanngunneqarsimasut pillugit malittarisassanik erseqqinnerusunik aalajangersaasinnaavoq.

**§ 8.** Peqqussut atuutilersinneqarpoq ulloq 1. januar 2019.

*Amalienborgimi tunniunneqarpoq, ulloq 11. December 2018*

Kunngitut Atsiorpugut Naqissusiillatalu

MARGRETHE R.

/ Søren Pape Poulsen

---

<sup>1</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>2</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>3</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>4</sup> Aalajangersagaq imatut oqaasertaqarpoq: "§§ 2 aamma 3 kunngip peqqussutaatigut Savalimmiuni aamma Kalaallit Nunaanni tamakkiisumik ilaannarmilluunniit atuutilersinneqarsinnaapput allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>5</sup> Aalajangersagaq imatut oqaasertaqarpoq: "§§ 1 aamma 5 kunngip peqqussutaatigut Savalimmiuni aamma Kalaallit Nunaanni tamakkiisumik ilaannarmilluunniit atuutilersinneqarsinnaapput allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>6</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."